

Peringatan: Pertanyaan-pertanyaan yang tidak disertakan tandatangan dan alamatnya yang terang tidak diraikan. juga pertanyaan-pertanyaan mengenai disekeliling hal ehwal masyarakat kita itulah yang diutamakan daripada soal-soal yang sulit-sulit dan jarang berlaku oleh kerana ruangan ini adalah berguna juga untuk panduan pembaca-pembaca.

-----*-----*-----

Salmah binti Abdul Ghani, Sekolah Perempuan Melayu Bandar tinggi, Batu Pahat bertanya: Apakah perbezaannya perempuan menunggang kuda dengan perempuan naik basikal-adakah hilang dara gadis itu menaikki kedua-dua kenderaan itu?

Jawapan: Tidak ada perbezaan di antara menunggang kuda dengan menunggang basikal selain daripada jenis tunggangan itu. Kita telah bertanya kepada seorang tabib tentang adakah dara itu boleh hilang dengan kerana menunggang basikal atau menunggang kuda atau pun berlari dan melompat. Daripada tabib itu kita mendapat jawapan bahawa menunggang kuda, menaikkan basikal, melompat dan berlari itu tidak akan merosakkan gadis perempuan itu oleh kerana ia terletak di dalam rahim perempuan itu. Dengan sebab-sebab yang tersebut ia tidak akan rosak dikecualikan dimasukkan sesuatu benda ke dalamnya pada hal di dalam cara-cara yang tersebut tidak terjadi yang demikian sekianlah pendapat doktor itu yang kita percaya akan menjadi jawapan yang tepat dan berdasar kepada ilmu pengetahuan yang sesuai dengan kehendak pertanyaan itu.

-----*-----*-----

Syafiq Forest Guard, Trolak, Perak bertanya: Bagaimanakah hukumnya seseorang memelihara angsa- adakah tiap-tiap rumah yang memelihara angsa tidak dihampiri oleh malaikat rumah-rumah itu?

Jawab: Tidak ada keterangan yang kita dapati manakah orang memelihara angsa dan menyatakan bahawa malaikat tidak



Khas bagi Majalah Qalam – Tidak Dibenarkan Dikutip

-----*-----*-----

ada hampir di rumahnya angsa itu binatang yang halal dimakan dan binatang yang suka bising apabila melihat orang-orang berjalan berhampiran dengan tempatan dan dengan kerana itu harus dinyatakan oleh orang bahawa “Malaikat” tidak mahu menghampiri rumah-rumah itu. Barangkali petua ini terbitnya daripada pencari atau orang-orang yang suka mengendap rumah-rumah orang kerana biasanya walau bagaimana pun angsa itu akan ribut apakala ternampak atau tercium bahu orang dekat tempat-tempatnya.

-----*-----*-----

Abdul Aziz bin Ahmad, Kampung Kembang Batu, Padang Rengas, Perak bertanya: Jam itu sangat besar gunanya- siapa nama, bangsa dan negeri orang yang mula-mula mereka jam itu?

Jawab: Jam besar yang pertama digantung pada mula-mulanya pada tahun 1253 oleh Henry ketiga. Jam-jam meja dibuat pada kurun kelima biasa dicermami tetapi jam ini sangat-sangat besar untuk dimasukkan di dalam saku dan demikian Peter Hill seorang tukang jam Denoroumbrogh dengan mengadakan jam yang terkecil. Jam ini kemudian diperbaiki lagi oleh Jacob Zack dari bandar Prague pada tahun 1525. Pada tahun 1658 Hope mengadakan lebih baik daripadanya. Demikianlah permulaannya sehingga membawa perubahan-perubahan yang besar oleh orang-orang yang kemudiannya hingga hari ini.

-----*-----*-----

Isnin bin Bujang, Padang Sabang, melaka bertanya: di dalam suatu pertelingkahan rumahtangga seorang isteri berpekik-pekik

ceraikan aku....dan suami berkata: “Sekali ini aku ceraikan engkau, aku jatuhkan talak engkau”. Selepas dua tiga hari kemudian mereka berdekat-dekat terbaik-baik di antara keduanya – apa hukumnya?

Jawapan: Menurut pendapat sebahagian besar daripada ulama-ulama ahli fikah bahawa perempuan itu tertalak sama ada perkataan suami itu bermain-main atau pun dengan bersenda-senda. Salah satu daripada dalilnya maksudnya: Abu Hurairah telah berkata-Rasul (SAW) pernah bersabda: “Ada tiga perkara yang benar-benar jadi betul-betul dan bergurau pun jadi betul iaitu nikah, talak dan rujuk” –hadith sahih riwayat Ahmad, Abu Daud, Ibnu Majah Tirmizi, Dar al-Qatni dan Hakim.

Ada lagi tiga hadith berkenaan dengan ini diriwayatkan oleh Tabrani; Harith bin Usamah dan juga oleh Abdul Razak yang ketiga-tiganya maksudnya dan tujuannya lebih kurang seperti yang tersebut di atas. Tetapi faham ini telah ditolak oleh sebahagian daripada ulama ahli fikah kerana lemahnya hadith-hadith itu. hadith yang pertama yang mengesahkannya hanya Imam Hakim sahaja padahal hadith itu menurut ahli hadith ambilannya tidak bersih demikian juga ketiga-tiga hadith yang lain.

Sekiranya ucapannya mentalak isterinya itu dengan niat yang benar daripada hatinya nescaya jatuhlah talak atas perempuan itu tetapi sekiranya lafaznya itu di dalam kemarahan maka menurut pendapat sebahagian ulama tidak jatuh talaknya oleh kerana saha talak itu dilakukan, dengan azam iaitu berkehendakkan yang teguh dan tetap dan Allah telah berfirman maksudnya: “Dan jika mereka berazam menghendakkan talak maka sesungguhnya Allah itu Pendengar, Pengetahui”-Q. Al-Baqarah 226.

Dengan ayat ini sudah terang bahawa yang dipandang oleh Allah iaitu ialah talak yang dilakukan dengan azam–bukan dengan gurau atau permainan pendapat ini dikuatkan

lagi oleh beberapa hadith di antaranya (maksudnya)

Aisyah telah berkata:”Tiada (sah) talak itu pada ketika marah”–hadith riwayat Ahmad, Abu Daud dan lain-lainnya.

Mudah-mudahan kenyataan ini akan memberi puas hati dan kita hanya mensihatkan walau bagaimanapun semolek-moleknya yang demikian itu jangan dimudahkan dan jangan dilazimkan kerana apabila telah lazim dan menjado kebiasaan ada tidak baiknya.

-----*-----*-----

Nik Kamal al-Din, Jalan Merbau, Kota Baharu, Kelantan bertanya: Apa hukumnya sekiranya suami isteri memakan ubat-ubat daripada hospital ataupun daripada dukun-dukun kampung sebelum mereka bersetubuh kerana hendak menahan daripada hamil?

Jawab: Anak itu ialah pemberian Allah. Tidak ada kekuasaan manusia yang dapat mengatasinya. Kita telah melihat bahawa beberapa banyak hartawan-hartawan yang bermilion-milion hartanya tidak ada mempunyai anak sehingga ia mengambil anak orang dijadikan anaknya sekalipun ia telah berubat ke sana ke mari. Dengan sebab itu patut kita bersyukur apabila kita diberi oleh Tuhan dengan pemberian-pemberian itu dan salah benar sekiranya seseorang akan tidak mempercayai kepada yang demikian.

Tetapi telah terbit suatu galakan untuk mengurangkan beranak di dalam beberapa negeri dengan alasan bahawa orang yang banyak anak itu nanti tidak dapat menyempurnakan tanggungan tanggungan untuk mendidik anak-anak itu dengan sempurna tetapi kita berkeyakinan bahawa di dalam itu ada tersembunyi maksud-maksud yang lain, sebagaimana yang telah tersiar di dalam risalah-risalah yang dikeluarkan oleh pihak-pihak itu dapat difahamkan bahawa tujuan-tujuannya yang utama ialah supaya tidak menjadi satu bebanan kepada negeri untuk menyelenggarakan mereka itu kemudiannya teutamanya bagi mereka yang hidup di bandar-bandar seperti di Singapura ini umpamanya. Alasan ini sepanjang fahaman kita

adalah digantungkan kepada fahaman kebendaan—tidak mempercayai atas kekuasaan dan kudrat Tuhan kepada makhluknya.

Adapun tentang hukum-hukum yang menegah melakukan perbuatan atas yang hamil itu, sepanjang yang kita ketahui, ialah apabila telah melekat di dalam rahim perempuan ataupun telah berupa dan digugurkan maka perbuatan yang sedemikian itu berdosa besar bahkan di sebalik itu adalah merbahaya kepada kesihatan tentang meletakkan suatu perubatan kepada tiap-tiap kali hendak bersetubuh umpamanya menggunakan suatu ubat yang akan berkuatkuasa di dalam rahim perempuan itu selama satu jam untuk membunuh hama-hama yang bakal menjadi anak itu tidak ada keterangan yang dapat menegahnyanya tetapi sekiranya tempat peranakan itu ditutup atau diberi perubatan untuk menyekatnya supaya jangan beranak sama sekali, menurut pendapat kita adalah sangat-sangat ditegah.

Jawapan ini harap diperhati juga oleh tuan Ahmad bin Haji Nik Man Hills Office, Kuala Lipis Pahang

Ahmad bin Haji Abdullah, Madrasah Al-Falah, Bercat, Bukit Gantang, Taiping, Perak dan beberapa lagi pertanyaan-pertanyaan dari orang lain scumpamanya bertanya: Apa hukumnya wang Ringgit yang ada tersemat di dalamnya nama Allah seperti dipelihara Allah, dilanjutkan Allah pada hal wang-wang itu telah digunakan oleh bangsa-bangsa asing membeli benda-benda yang haram, di bawah masuk ke dalam jamban dan berbagai-bagai lagi.

Jawab: Negeri ini adalah sebuah negeri yang di bawah kekuasaan kerajaan yang bukan Islam. Yang membuat wang itu ialah kerajaan. Oleh yang demikian kerana masih ada iktiraf kerajaan kepada mufti-mufti di dalam berbagai-bagai negeri itu maka perkara-perkara ini semolek-moleknya mendapat perhatian yang tepat daripada mufti-mufti itu bagaimana caranya hendak mengurus perkara ini. Sebalik itu kita suka menarik perhatian bahawa, sepanjang yang kita ketahui, pada masa yang telah lalu iaitu dalam masa pemerintahan-pemerintahan Islam wang-wang dinar itu dikenakan ada juga bertanda dengan nama-nama Allah. Tetapi khabar ini

kita sendiri tidak melihatnya.

Tentang hukumnya sudah tentu syarak tidak menggemari kepada nama-nama itu terbawa di dalam tempat-tempat yang tidak baik seperti yang disebutkan itu—inilah sahaja yang dapat kita memberi keterangan dalam perkara ini kerana sebagaimana yang dimaklumi dalam permulaan jawab ini dan yang semolek-moleknya hendaklah mufti-mufti yang mas'ul itu memberi kenyataan-kenyataan yang lebih tepat.

Yusuf bin Awang, Simpang Empat, Jeram, Perak bertanya: Mengapa orang-orang Melayu apabila ia telah meningkat naik pangkatnya atau pekerjaannya ia telah sombong umpamanya tidak menghiraukan kaum bangsanya pada hal nampaknya bangsa lain tidak begitu?

Jawab: Sombong itu tergantung pada masing-masing orang dan juga di dalam masing-masing bangsa tetapi harus semuanya tidak begitu kerana banyak juga daripada mereka itu yang ramah mesta dan merendah diri—semakin tinggi pangkatnya, semakin rendah hatinya barangkali oleh kerana ilmunya yang seakan-akan sesuai dengan pepatah “Ikutlah akan ilmu padi, kian berisi, kian rundup.”
Harus juga orang-orang yang sombong dan mengangkat kepala itu kerana isinya kosong sebagaimana juga kadar padi kalau ia kosong tentu tegak dan mudah pula mengikut ke mada hala angin bertiup. Yang demikian harus juga terjadi kerana orang itu kurang imannya, tidak bersyukur bahawa perolehannya, pendapatannya dan keadaannya adalah dilimpahkan oleh Allah yang sepatutnya ia bersyukur dengan menundukkan diri kepada Allah serta merendahkan diri bergantung kepada kekuasaan jiwa.

Ahmad Abdul Rahman, Kebun Ubi, Singapura bertanya: Adakah dibenarkan seseorang menghantarkan zakatnya keluar daripada tempat ia mengeluarkan zakat itu- A namanya zakat Singapura dihantar ke India?

Jawab: Hantaran itu boleh dengan syarat kalau kedudukan di dalam daerah yang ia mengeluarkan zakat itu tidak berhajat kepadanya. Tetapi di dalam keadaan seperti sekarang di dalam mana XXXXXX dan sekian banyak orang-orang yang diutamakan menerimanya dan lain-lain lagi maka tidak boleh seseorang menghantar zakat-zakat itu keluar daerah itu kerana zakat itu bukan haknya dan bukan kawasan ia ialah hak orang-orang yang ditentukan untuk menerimanya di dalam daerah itu.

Perbuatan menghantarkan itu ke luar negeri selagi orang-orang itu berhajat menurut pendapatan kita adalah merampas hak penduduk-penduduk daerah itu di dalam mana ia mendapat hasil dan faedah yang menentukan ia dapat mengeluarkan zakat.

-----*-----*-----

Lapang bin Samadi, Sungai Buman, Hutan Melintang Perak bertanya: Apa sebab perempuan-perempuan Islam banyak yang menjadi pelayan dan apa hukumnya?

Jawab: Sepanjang yang kita ketahui bahawa sebahagian besar yang menjadikan sebab mereka menjadi nelayan ialah kerana mencari sara hidup. Setengah-setengahnya ada mempunyai anak yang ditinggalkan oleh suaminya dengan tidak memberi tempat dan setengah-setengahnya pula ada ibu bapa atau saudara mara yang ditanggung tetapi ada juga yang sebahagiannya kerana membawa hati- umpamanya tidak diambil endah oleh suaminya dan seumpamanya. Mereka itu menjadi pelayan haruslah boleh kerana tidak berpengetahuan yang boleh menjadikannya cagaran untuk mencari nafkah dengan jalan yang lain.

Di dalam mereka menjadi pelayan ini harus ada sedemikian sahaja, jika ada yang dapat mempertahankan maruahnya dan kebajikannya daripada mereka itu di dalam menjadi pelayan mereka menjual maruah mereka, setengah-setengah minum barang-barang yang memabukkan dan sebagainya daripada perkara-perkara yang

sangat-sangat ditegah oleh Islam.

Melihat kepada keadaan-keadaan yang menjadi sebab mereka mencari tempat itu maka bolehlah dipandang bahawa mereka termasuk daripada orang-orang yang hampir yang berhajat kepada bantuan tetapi oleh kerana pertadbiran agama negeri ini tidak meliputi kepada kehendak-kehendak dan tujuan-tujuan pengajaran Islam tentang memungut zakat maka tidak ada satau daya upaya yang dapat dijalankan untuk menyelamatkan mereka itu daripada lembah yang hina membawa kepada mereka itu supaya bertaubat daripada kesalahannya dengan memberi pekerjaan atau pengajaran-pengajaran yang boleh melepaskan daripada pekerjaan-pekerjaan yang terkutuk bukan sahaja oleh agama bahkan juga oleh masyarakat umum.

-----*-----*-----

Haji Muhammad Nur, Simpang Empat Sitiawan, Perak bertanya: Mengapa agama Islam itu dijadikan empat mazhab serta berlainan pula hukumnya padahal Allah Subhanahu wa Taala satu dan penghulu kita Muhammad pun satu dan Quran pun satu?

Jawab: Adanya mazhab-mazhab di dalam Islam itu hanyalah sebagai nikmat aliran fikiran jua. Hukum-hukum mereka itu adalah bersandar kepada kitab Allah dan Sunnah Rasul. Pendapatan mereka itu berselisih hanya tentang memahamkan atas tujuan-tujuan sesuatu yang berkenaan dan masing-masing Imam mazhab itu memberi ingat kepada orang-orang yang di belakangnya bahawa apabila didapati fikiran dan pendapatan itu bersalahan dengan kitab Allah dan Sunnah Rasul maka hendaklah fikiran pendapatannya itu ditinggalkannya—tidak mesti diikuti ini menjadi hajat bagi kita untuk menetapkan bahawa mereka itu tidak mengeluarkan kehendak-kehendak kitab Allah.

Perselisihan-perselisihan di antara mazhab-mazhab itu berlaku terbitnya ialah daripada kejahilan-kejahilan pengikut-pengikut mereka itu—taklid buta kalau kita halusi segala faham-faham mereka itu dengan saksama maka lain tidak hanya tentang mengambil fahaman atas sesuatu tujuan yang terbit daripada sesuatu ayat yang umum.